

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0049052 22
Zenica, 07.11.2024. godine**

OPĆINSKOM SUDU U ŽEPČE

-Sudiji za prethodno saslušanje-
Ž E P Č E

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižem

OPTUŽNICU

Protiv:

1.M. M., neosuđivan,

2.H. H., osuđivan,

što su:

U noći 07.05.2022. godine, oko 03,55 sati, u Žepču, zajednički i dogovoreno, a nakon što su se našli sa poznanikom K. G. na benzinskoj pumpi „E...“ u naselju T..., vozilom marke „Audi“ reg. oznaka J... kojim je upravljao G. a u koje je sjeo M. dok je H. upravljao vozilom marke „BMW X5“, se svi odvezli do proširenja magistralnog puta M-17 skretanja za naseljeno mjesto O., gdje su M. i H. nastavili i dalje konzumirati pivo za koje vrijeme je M. od G. tražio novac pa kada mu ga ovaj koji je sjedio u svom vozilu nije dao, zajedno fizički napali na istog izvlačeći ga iz vozila te tukući pesnicama i nogama po tijelu, svjesni da mogu drugog teško tjelesno povrijediti a što su i htjeli, da bi H. H. u jednom momentu i drvenom letvom pošao tući G. od kojih udaraca je isti počeo krvariti i gubiti svijest nakon čega su ga izvukli iz njegovog vozila koje prilike ga je M. udario glavom u predjelu vilice i istovremeno m nožem zadao jedan ubod u predjelu butine lijeve noge, poslije čega je M. kao vozač sjeo u G. vozilo i skupa sa G. se odvezao do njegove kuće koja se nalazi u ulici L., dok je H. H. gore pomenutim vozilom marke „BMW“ došao do ulaza u dvorište iste kuće, nakon čega je G. uzeo ključeve svog vozila od M., isto zaključao i ušao u kuću te probudio oca A. sa kojim je izašao van koje prilike je A. prišao vozilu „BMW X5“ te kroz spuštenu bočno staklo upitao vozača „Šta radiš pred mojom kućom i šta hoćeš od mog sina“ zbog čega su se M.M. i H. H. odvezli sa lica mjesta, a na koji gore opisani način su M. i H. oštećenom nanijeli teške tjelesne povrede u vidu preloma nosnih kostiju sa pomakom ulomaka uz ubodnu ranu sa stražnje strane lijeve natkoljenice, zbog kojih povreda je oštećeni K. G. iste noći zatražio medicinsku pomoć u JU Dom zdravlja Žepče, a potom i u Kantonalnoj bolnici Zenica,

čime su učinili krivično djelo teška tjelesna povreda iz člana 172. stav 1. u vezi sa članom 31. KZ F BiH.